

石樓縣志

目錄

卷之一

星野

輿圖

沿革建置

疆域

形勝

山川

津梁

城池

公署

附倉廩

積田

學校

祀祠

附義塚

卷之二

典禮

賦役

戶口

稅課

鹽政

里甲

鄉村

寺觀

卷之三

武備

秩官

歷官

名宦

鄉賢

選舉

人物

忠孝

節義

坊表

仙釋

風俗節序

食物土產

古蹟

墳墓

祥異

卷之四

藝文

御製
墓記

上諭
政記

祝文
橋記

學記
路記

營記

卷之五

藝文

申詳

卷之六

藝文

詳文

卷之七

藝文

祭文

表文

示諭

看語

碑記

卷之八

藝文

碑記

引

銘

歌

序

詩

跋

石樓縣志卷之八

藝文第五

關夫子碑記

任珙

凡無所因而釐然以舉頓然以起者何謂也志氣之所動視天下無不可爲之事矣凡有所感而毅然力承奮然直與者何謂也神人之所悅舉則人工之修也雖曰人力使然其中有運數存焉究其實則非其人不可運數因人而轉旋者也今

上御極之八年余初授茲土百務未遑舉越明年人政


少通和百廢方興乃重修南城之來薰樓增其舊
制磚灰之需捐俸以成又明年樓之事竣門之外
舊有 關帝廟厥位向震倚城而立稽古立廟之
意蓋藉 夫子之靈爽以饒庇此一方之民也殿
堂三楹黝堊丹漆尚未廢其後廟臺傾圯同專閫
鶴菴張公與史張啟望登眺隱憂余倡言城雖築
而廟臺未築無臺卽無廟無廟卽無城之說僉以
爲然特慮時詘難以舉廢而鶴菴雲石任公素有
此議其兄積慶又好施善余平日演兵騎射不甲

者卽罰一石運至此原爲此舉耳會須力爲之遂
於辛亥春三月內經營同把總張明貴邸士儀雲
石兄積慶闔營兵李克友等一百四十四人卽以
兩把總董其事而士儀居多爲鳩工爲辦料至五
月版築堅完士卒已兆矣而鶴菴仍瞿然曰土築
雖竣而圖以磚石塗以丹灰於以苟且塞責則可
矣其以壯嚴 夫子廟宇觀瞻爲數百年久遠之
計則未也况任運物料士民趨役之輸助者衆且
未艾馬步兵皆勤而不怨何憚數月之勞不爲作

百年逸乎八月初余適有公事如汾旋時見鶴菴
曰爲籌畫其廟臺層纍而上以磚灰爲之更於廟
之從前土墻易以磚高七尺長五丈朱碧陸離不
減重門設險於是而臺以衛廟廟以衛城城以衛
居民或不至爲風雨所飄搖 關聖在天之神得

以妥侑而功且在百世也是役也計石砌高二丈
二尺長八丈五尺石纍若難以板礮磚砌高一丈
八尺長八丈五尺用磚二萬七千撥兵一百四十
四名派以七班每日做工兵二十人市價覓工四

分共計三月工價銀應費七十二兩而兵之衆力
胼胝屈龍乎國衛李惟柱三人勤苦監修較覓工
一日倍兩日其勞費又不知凡幾耳迨至事成而
思此工毫無憑藉而神以得棲息非無所因而有
所感耶非鶴菴之經營任副憲兄弟之捐施兩把
總之督率兵丁之踴躍從事士民匠役之量助不
倦未易幾此余時爲之鼓勵捐置一磚一石何力
之有焉敢謂運數因人而轉也是爲記



重修關帝廟碑記

許運隆

粵稽祀典之設有利賴及於民生者則祀之功業
裨於國家者則祀之不則聰明正直足以拯攝乎
人心忠孝節烈可以垂範於百世使人感奮興起
崇祀無窮焉若漢末之關夫子者崛起於晉而

以扶漢室滅吳魏爲已任義勇冠乎古今大節凌
於霄漢其秉燭達旦之休炳若日星宜乎歷代崇
封萬世血食與天地並垂不朽者獨是公之音容
往矣而後之人瞻其儀容想其行事無不肅然起

敬如在其上不特忠臣孝子咸曠世相感卽奸佞
背負之徒亦莫不畏其明威之赫奕神聖之靈爽
蓋以公雖往而忠義之在人心者千古未泯也
石樓縣治門外有關帝廟建立有年以爲一方
呵護辛巳大雨滂沱廟宇圯毀邑人咸傷之有善
士許鳴鳳許周士起議倡修於是募緣邑之名宗
善士咸捐以成勝事棟宇之摧折者黜聖之漫漶
不鮮者維新之不侈前人不廢後觀新於樂樓外
增建常住一所以備香火之資自是神有所依歲

時祈報共瞻安侑斯云善矣鳩工於三十二年四月告成於三十三年十月邑中之善信人等勒石以志不沒云

康熙乙亥七月

五

重修關帝廟碑記

許龍翔

帝晉人也毓靈河東生大漢之末值羣雄竊據鼎足
三分氣吞吳魏志掃奸雄復漢室之大統顧冀炎
重與果毅正直上與日星雲漢同昭忠義激烈下
與山河川嶽並永英靈直同天地共悠久也觀辭
曹數語日在天上心在人間丹心浩氣翬凌霄漢
威鎮華夏今古顯赫宜乎侯而王王而帝受歷代
之尊榮享萬載之禋祀今 神靈流鬯天壤間矣
石邑縣治南薰門外 關帝廟一座創自前代維